

ქ. თბილისი

„02“ თებერვალი 2016წ.

ხელშეკრულების დამდები მხარეები

ერთი მხრივ,

შპს „საქართველოს აეროპორტების გაერთიანება“ (მისამართი: თბილისი, სამგორის რაიონში, აეროპორტის დასახლება (აეროპორტი); ს.კ N404 389 693) წარმოდგენილი მისი დირექტორის მოადგილის გელა ამირანაშვილის სახით (შემდგომში „შემსყიდველი“)

და მეორე მხრივ,

შპს „ლითი“ (მისამართი: ქ. თბილისი, წყალტუბოს 3 კორ. 2 სად. ბ-44 ს.კ.401 946 203) წარმოდგენილი მისი დირექტორის გიორგი დვალის სახით (შემდგომში „მიმწოდებელი“)

საქართველოს კანონის „სახელმწიფო შესყიდვების შესახებ“, მე-3 მუხლის პირველი პუნქტის „ს“ ქვეპუნქტის თანახმად, ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს შპს „საქართველოს აეროპორტების გაერთიანების“ საჭიროებისათვის საკანალიზაციო ჭებისა და საკანალიზაციო ქსელის გაწმენდის მომსახურების შესყიდვა - (CPV-90470000).

2. ხელშეკრულების ღირებულება

2.1. ხელშეკრულების საერთო ღირებულება შეადგენს 1000 (ერთი ათასი) ლარს. ფასები ერთეულის მიხედვით მითითებულია ხარჯთაღრიცხვაში, რომელიც თან დაერთვის ხელშეკრულებას და წარმოადგენს მის განუყოფელ ნაწილს.

2.2. ხელშეკრულების საერთო ღირებულებაში შედის მომსახურების განხორციელებასთან დაკავშირებული ყველა ხარჯი, ასევე საქართველოს კანონმდებლობით დადგენილი გადასახადები, რომელიც უნდა გადაიხადოს „მიმწოდებელმა“.

3. მომსახურების გაწევის პირობები

3.1. ხელშეკრულებით გათვალისწინებული მომსახურების გაწევა განხორციელდება ხელშეკრულების გაფორმებიდან 2016 წლის განმავლობაში შემსყიდველის მოთხოვნიდან არაუგვიანეს 2 (ორი) სამუშაო დღისა. შემდეგ მისამართზე: ქ. თბილისი, აეროპორტის დასახლება.

3.2. „მიმწოდებლის“ მიერ გაწეულ მომსახურებაზე, გამოვლენილი დეფექტებისა და უზუსტობების აღმოფხვრას საკუთარი ხარჯებით უზრუნველყოფს „მიმწოდებელი“.

4. შესყიდვის ობიექტის მიღება-ჩაბარების წესი

4.1. „მიმწოდებელსა“ და „შემსყიდველს“ შორის ფაქტობრივად განხორციელებულ მომსახურებაზე ფორმდება მიღება-ჩაბარების აქტი.

5. ანგარიშსწორების ფორმა და ვადები

5.1. „მიმწოდებელთან“ ანგარიშსწორება ხორციელდება უნაღლო ანგარიშსწორებით ეროვნულ ვალუტაში.

5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი.

5.3. „მიმწოდებელთან“ ანგარიშსწორება ხორციელდება მე-5 მუხლის 5.2. პუნქტში განსაზღვრული პირობის დასრულების შემდეგ 10 (ათი) დღის ვადაში.

5.4. „მიმწოდებელთან“ ანგარიშსწორება არ განხორციელდება „მიღება-ჩაბარების“ აქტის წარმოდგენის გარეშე.

6. მხარეთა ვალდებულებები

6.1. „მიმწოდებელი“ ვალდებულია:

- 6.1.1. განახორციელოს ხარისხიანი მომსახურება;
- 6.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 6.1.3. უზრუნველყოს შემსყიდველისთვის ხელშეკრულების საგანთან დაკავშირებული დოკუმენტაციის მიწოდება ასეთის არსებობის შემთხვევაში;
- 6.1.4. მიმწოდებელი ვალდებულია მომსახურების გაწევის პროცესში წარმოშობილი ხარვეზი აღმოფხვრას საკუთარი ხარჯებით.
- 6.1.5. მიმწოდებელს შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ აქვს უფლება გადასცეს მოცემული ხელშეკრულებით გათვალისწინებული თავისი უფლება-მოვალეობები მესამე პირს.
- 6.1.6. მიმწოდებელი ვალდებულია პირადად განახორციელოს ხელშეკრულებით ნაკისრი ვალდებულებები.

6.2. „შემსყიდველი“ ვალდებულია:

- 6.2.1. უზრუნველყოს მიმწოდებლისათვის გაწეული მომსახურების საფასურის გადახდა ხელშეკრულების შესაბამისად;
- 6.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

6.3. „მიმწოდებელს“ უფლება აქვს:

- 6.3.1. ხელშეკრულების ფარგლებში მოითხოვოს გაწეულ მომსახურებაზე საფასურის დროული და სრული ანაზღაურება.

6.4. „შემსყიდველს“ უფლება აქვს:

- 6.4.1. აწარმოოს ხელშეკრულების პირობების შესრულების მონიტორინგი;
- 6.4.2. მოითხოვოს ხარვეზის გამოსწორება;
- 6.4.3. მოითხოვოს მიმწოდებლის მიერ ნაკისრი ვალდებულებების ჯეროვნად შესრულება;
- 6.4.4. შეწყვიტოს ხელშეკრულება წინამდებარე ხელშეკრულებით განსაზღვრული პირობების შესაბამისად;

7. ხელშეკრულების პირობების გადასინჯვა

7.1. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

7.3. ხელშეკრულებაში ნებისმიერი ცვლილება უნდა გაფორმდეს წერილობითი ფორმით.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება და აღნიშნული შეფერხება არ არის გამოწვეული ფორს-მაჟორული გარემოებით, დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ;

8.2. შეტყობინების მიმღებმა მხარემ უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით;

8.3. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით;

8.4. იმ შემთხვევაში, თუ ხელშეკრულების პირობების შესრულების შეფერხების გამო მხარეები ვერ შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე მიმწოდებელს ეკისრება ხელშეკრულების გათვალისწინებული პირგასამტეხლო.

9. ფორს-მაჟორი

9.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოებებია: მიწისძვრა; წყალდიდობა; ხანძარი; ქარიშხალი; დიდთოვლობა; ნისლი; ტემპერატურის მკვეთრი ცვლილებები; ცენტრალური ენერგო მომარაგების (ბუნებრივი აირი, ელექტროენერჯია) და ცენტრალური წყალმომარაგების შეწყვეტა მხარისგან დამოუკიდებელი მიზეზით; სამხედრო მოქმედებები; ეპიდემიები; გაფიცვები; სამთავრობო ორგანოების გადაწყვეტილებები ან მათი არარსებობა; ბლოკადა; ემბარგო; საკანონმდებლო აქტებში ცვლილებები, რომლებიც უშუალოდ ახდენენ გავლენას მხარეთა მიერ ნაკისრი ვალდებულებების შესრულებაზე.

9.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებზეც გავლენას არ ახდენენ ფორს-მაჟორული გარემოებები.

10. გარანტია

- 10.1. განხორციელებულ მომსახურებაზე საგარანტიო ვადა არის გაწმენდიდან 3(სამი) დღე.
- 10.2. მიმწოდებელი ვალდებულია, დეფექტების აღმოჩენის შემთხვევაში საკუთარი სახსრებით უზრუნველყოს მათი აღმოფხვრა.

11. ხელშეკრულების პირობების შეუსრულებლობა

- 11.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1 %-ის ოდენობით ყოველი ვადაგადაცილებული დღისათვის.
- 11.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.
- 11.3. პირგასამტეხლოს გარდა მხარეს უფლება აქვს მოითხოვოს მიყენებული ზიანის ანაზღაურება.

12. ხელშეკრულების შეწყვეტა

- 11.1 ხელშეკრულება შეიძლება შეწყვეტილ იქნეს:
 - 11.1.1 ურთიერთვალდებულებების შესრულებით;
 - 11.1.2 მხარეთა შეთანხმებით;
 - 11.1.3 ცალმხირვად შემსყიდველის მიერ;
 - 11.1.4 საქართველოს მოქმედი კანონმდებლობით გათვალისწინებულ სხვა შემთხვევებში.
- 11.2 ხელშეკრულება შეწყვეტილის მიერ ცალმხირვად შეიძლება იქნას შეწყვეტილი თუ:
 - 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - 11.2.2 მიმწოდებელი სისტემატურად და/ან უხეშად არღვევს ხელშეკრულების პირობებს;

- 11.2.3 შემსყიდველისათვის ცნობილი გახდა, რომ მისგან დამოუკიდებელი მიზეზების (იგულისხმება ფორს-მაჟორული გარემოების არსებობა) გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების ნაწილობრივ ან სრულად შესრულებას;
- 11.2.4 მიმწოდებლის მიმართ აღმრულია საქმე გადახდისუუნარობის საფუძველზე;
- 11.2.5 საქართველოს კანონმდებლობით გათვალისწინებულია სხვა შემთხვევები.

13. ინსპექტირების პირობები

- 13.1. ხელშეკრულების შესრულების კონტროლს განახორციელებს შპს „საქართველოს აეროპორტების გაერთიანების“ ტექნიკური კოორდინატორი.
- 13.2. კოორდინატორის ფუნქციებია:
- 13.3. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.
- 13.4. სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან მიღება-ჩაბარების აქტის ხელმოწერა.

14. ხელშეკრულების ვადა

- 14.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად და ჯეროვნად შესრულებამდე არაუგვიანეს 2017 წლის 31 იანვრისა.

15. დავების გადაწყვეტა

- 15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 15.2. მხარეთა შორის წარმოქმნილი ყველა დავა გადაწყდება ურთიერთშეთანხმების გზით.
- 15.3. თუ შეთანხმება ვერ მოხერხდა, დავა გადაწყდება სასამართლოს გზით, მოქმედი კანონმდებლობით დადგენილი წესით, თბილისის საქალაქო სასამართლოში.

16. დასკვნითი დებულებები

- 16.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.
- 16.2. ხელშეკრულება შედგენილია 2 ეგზემპლარად ერთი შემსყიდველისთვის, ხოლო ერთი - მიმწოდებლისათვის. ყველა ეგზემპლარს აქვს თანაბარი იურიდიული ძალა.

17. მხარეთა ხელმოწერები და რეკვიზიტები

„შემსყიდველი“	„მიმწოდებელი“
<p>შპს „საქართველოს აეროპორტების გაერთიანება“ მისამართი: ისანი-სამგორის რაიონი, აეროპორტის დასახლება, აეროპორტი ს.კ № 404 389 693 საბანკო რეკვიზიტები: სს „თი ბი სი ბანკი“, ბანკის კოდი: TBCBGE22 ა/ა: GE47TB0615536070100001</p> <p></p> <p>გელა ამილახვანი დირექტორის მოადგილე</p>	<p>შპს „ლითი“ მისამართი: ქ. თბილისი, წყალტუბოს 3 კორ. 2 სად. ბ-44 ს.კ. 401 946 203 საბანკო რეკვიზიტები: სს „ვითიბი ბანკი“ ბანკის კოდი: UGEBGE22 ა/ა: GE31VT0400105644703608 /GEL</p> <p></p> <p>გორგი დვალაძე დირექტორი</p>

კანალიზაციის გაწმენდითი სამუშაოების პრეისკურანტი

№	სამუშაოების და ხარჯების დასახელება	ერთეულის განზომილება	მექანიკური წმენდის ერთეულის ღირებულება (1 გრძ. მეტრი)	წყლის ჭავლით წმენდის ერთეულის ღირებულება (1 გრძ. მეტრი)
1	კანალიზაციის ქსელის გაწმენდა D200, 300, 400, 500მმ	გრძ.მ	5	10
2	კანალიზაციის ჭების გაწმენდა, სიღრმე 2 მეტრი	ცალი	100	0

შპს „ლიტი“-ს დირექტორი

/გ. დვალი/

